

4.5 Innheimtugjald.

Undirbúningur að stöðvun orkuafhendingar vegna vanskila notanda telst hafinn við sendingu tilkynningar þess efnis til notandans. Sé slík tilkynning send notanda skal hann greiða innheimtugjald vegna kostnaðar við undirbúning stöðvunarinnar, þó að til hennar hafi ekki komið.

Komi til stöðvunar orkuafhendingar vegna vanskila notanda skal hann greiða gjald vegna kostnaðar við þá framkvæmd. Gjald þetta kemur til viðbótar innheimtugjaldi samkvæmt fyrri málsgrein.

5. gr.

Ýmis ákvæði.**5.1 Launafl.**

Heimilt er að ákveða sérstakt gjald fyrir launafl hjá notendum, ef úttekið launafl nemur 75% eða meira af mesta útteknu raunaflí á ári, miðað við 15 mínútna meðalgildi afls.

Skilmálar þessir eru staðfestir af iðnaðarráðuneytinu til að öðlast gildi við birtingu, sbr. reglugerð nr. 793 30. desember 1998. Jafnframt eru úr gildi felldir eldri skilmálar sem samrýmast ekki skilmálum þessum.

Iðnaðarráðuneytinu, 9. júlí 1999.

F. h. r.

Jón Ingimarsson.

Katrín Jóhannsdóttir.
AUGLÝSING

**um staðfestingu á samkomulagi milli Borgarbyggðar
og Hvítársíðuhrepps um mörk sveitarfélaganna
á afréttum Upprekstrarfélags Þverárréttar.**

Á grundvelli 2. mgr. 3. gr. sveitarstjórnarlaga nr. 45/1998, sbr. 5. mgr. ákvæðis til bráðabirgða við þau lög, hefur félagsmálaráðuneytið hinn 7. júlí 1999 staðfest hluta samkomulags milli Borgarbyggðar, Þverárhlíðarhrepps og Hvítársíðuhrepps um mörk sveitarfélaganna á afréttum Upprekstrarfélags Þverárréttar, sbr. samning milli sveitarstjórna framangreindra sveitarfélaga, dags. 13. nóvember 1996. Þann 7. júní 1998 tók gildi samningur Álfaneshrepps, Borgarbyggðar, Borgarhrepps og Þverárhlíðarhrepps og hlaut hið nýja sveitarfélag nafnið Borgarbyggð. Hið nýja sveitarfélag nær yfir allt landsvæði hinna eldri sveitarfélaga og yfirtók öll réttindi og allar skyldur þeirra, sbr. auglýsingu nr. 195/1998, og því er einungis staðfestur sá hluti samningsins sem varðar mörk Borgarbyggðar og Hvítársíðuhrepps.

Í samningnum segir meðal annars svo:

„Sveitarstjórnir Borgarbyggðar, Þverárhlíðarhrepps og Hvítársíðuhrepps eru sammála um að sveitarfélagamörk á afréttum Upprekstrarfélags Þverárréttar (sbr. 3. gr. laga nr. 8/1986) skuli vera

sem hér segir:

...

Milli Þverárhlíðarhrepps og Hvítársíðuhrepps:

Í fyrsta lagi ræður Vestasta-Rangagil (Merkjagil) þaðan sem það fellur í Kjarará upp á háfjall að landamerkjum Kvía í Þverárhlíð. Verður þá sá hluti afréttar í Þverárhlíðarhreppi, sem liggur milli gilsins og fjallgirðingar, þ.e. Reykholtsselland.

Í öðru lagi fylgir merkjalna leitamótum milli leitarflokka Þverhlíðinga og Hvítsíðinga. Ræður Litlaþverá frá Hrólfsvatnaskvísl að upptökum sínum í tjörn vestan Þverárvatna, og þaðan lína beint í Þverárvötn; þá lína úr Þverárvötnum austast, um Merkjavörðu á Hryggjum (norð)vestan Breiðavatns, þá norðan við Breiðavatn í suðurenda Nautavatns, þaðan í Staðarhól og þá í vesturenda Krókavatna.

Um ytri mörk þessa landsvæðis gildir „Landamerkjaskrá fyrir hinu sameiginlega af-réttarlandi“ o.s.frv.

Þær landspildur, sem upprekstrarfélagið á og hefur keypt undan einstökum jörðum, Fornahvammi og Króki í Borgarbyggð, Hermundarstöðum í Þverárhlíð og Gilsbakka í Hvítársíðu, tilheyra að sjálfsögðu viðkomandi sveitarfélögum. Þær liggja utan fyrrgreinds svæðis, en að því, hver í sínu lagi.

Ákvörðun þessi um mörk milli sveitarfélaga breytir í engu eignar- eða afnotarétti né öðrum réttindum og skyldum eins né neins, gagnvart umræddu landsvæði.

Gilsbakka, 13. nóvember 1996.

F.h. bæjarstjórnar Borgarbyggðar
Jón Þór Jónasson (sign.)

F.h. hreppsnefndar Þverárhlíðarhrepps
Guðrún Jónsdóttir (sign.)

F. h. hreppsnefndar Hvítársíðuhrepps
Ólafur Guðmundsson (sign.)“

Auglýsing þessi skal öðlast þegar gildi.

Félagsmálaráðuneytinu, 7. júlí 1999.

Páll Pétursson.

Sesselja Árnadóttir.

AUGLÝSING

um deiliskipulag Miðás, svæðis B, Egilsstöðum, Austur-Héraði.

Samkvæmt 3. og 4. mgr. 25. gr. skipulags- og byggingarlaga nr. 73/1997 er hér með auglýst nýtt deiliskipulag fyrir Miðás, svæði B, Egilsstöðum, Austur-Héraði.

Deiliskipulag þetta var samþykkt af bæjarstjórn Austur-Héraðs 4. maí 1999 að undan-genginni lögboðinni tilkynningu.

Austur-Héraði, 28. júní 1999.

Björn Hafþór Guðmundsson
bæjarstjóri.

Þórhallur Pálsson,
forst.m. umhverfissviðs.